

Homenahe na heroe cu presentacion di buki Topa TULA



ORANJETSAD (AAN): Biblioteca Nacional Aruba, Instituto Pedagógico Arubano y Departamento di Cultura Aruba tin e placer di invita e pueblo di Aruba pa asisti na presentacion di e buki Topa TULA. E presentacion ta tuma luga na Biblioteca Nacional Aruba, diahuebs 6 di maart pa 7.30 di anochi.

Lo rindi homenahe na sr. Harry Zimmerman, conocido cantautor cu a gana Festival di Tumba di Corsou cu su tumba 'Tula'. Harry Zimmerman tin hopi aña biba na Aruba y a contribui grandemente na musica y na Papiamentu. Tambe lo duna homenahe na Olga Orman pa su trabou dedica na literatura, lesamento

y idioma Papiamentu. Olga Orman huntó cu Giselle Ecury a percura pa e produccion di e buki Topa TULA, trahando cu 'Stichting Simia Literario' na Hulanda. Den e buki Topa TULA, produci pa 'Stichting Simia Literario' tin contribucion di varios autor conoci di Aruba y Corsou.

Diahuebs anochi, 6 di maart, lo tin presentacion di diferente artista cu lo toca, canta, balia, declama y duna charla cortico. E documental 'Mi no ta Katibu', 'Ik ben geen slaaf' lo keda presenta pa Shanon Casper, co-productor, camera y editing; ta un produccion di Fundacion ProFor Hulanda. Mirto Lacle lo duna un charla relaciona cu ritonan ancestral.

Ta un gran honor pa por presenta un exposicion produci pa Universiteit van Amsterdam en coneccion cu 'Commemoracion 150 aña di Abolishon di Sclabitud'.

Organisador y presentador di e anochi ta Mirto Lacle, kende ta celebra 40 aña den farandula educativo. Cada luna Mirto ta presenta un proyecto multidisciplinario cu enfoke riba literatura, arte, cultura, linguistica, educacion y lenga crioyo Papiamentu.